


Vf Römischer Kün-
 niglicher Mayestat zc. Vnnsers Aller-
 gnedigisten Herren/ Vnd derselben hoch-
 löblichen Regierung Beuelch/ Verkhün-
 den Burgermeister/ Richter vnd Räte der Stat Wien
 Ewch allen vnd yeden jrer Jurisdiction vnderworfs-
 sen/ mit Ernnt gepietend/ das Ir yezo vnd hinfüran/
 allen vnd yeden vnnflat/ mist/ vnd gestanckh/ dardurch
 ainich Infection/ oder vergiftung entsteen möcht/ vor
 vnd in Ewren hewfern allenthalben on alles verziehen
 austrawmet/ hinweeg thuet/ darzü weder Krautwas-
 ser/ Häring/ vnd annder gesalzen Dischwasser noch an-
 der dergleichen Vnnflat ausgieffet/ sonnder strackhs in
 die Thuenaw/ oder Wienn-traget/ auch weder in der
 Stat noch in denen heüßern thains wegs waschen lasset/
 Vnd fürnemblich nach ausgang aines Monats kain
 Schwein in der Stat weiter haltet/ noch geduldet/
 auch dieselben mitler zeyt nit ausgeen lasset/ Wo man
 die aber auf der gassen betreten/wurde/man die on mit-
 tel in der Burgerhospital nemen/ vnd darjnn nyemandts
 verschonen.

Item das ain jeder Wiert/ sein Dienstopoten/ vnnnd al-
 le die bey jme Inficiert/ oder vergiftt werden/ dem Petl-
 richter/ oder seinem diener so allweg in der Burgerspi-
 tal/ mit Ros vnd wagen zäfinden/ von stundan anzayg
 der wierdet alßdann/ die francken Personen führen gen
 samndt Nicola/ oder Sand Johannis in der sieben Allß/
 da jnen wohnung/ auch denen Burgerpersonē/ vnd jrem
 diennkuolck vnderhaltung/ wartung/ vnnnd Argt
 verordnet sein.

Wo aber ain Wiert/ sein Hausfraw/ Kinder/ oder an-
 der ansehenlich Personen/ mit solcher tranckhayt belas-
 den wurden/ so sollen sy sich sambt denen Personen/ die

nen aufwarten im zymmer vnd haus enthalten / vnd on
sonder erlaubnus der Oberkayt / daraus nit komē / oder
geen in kain weis.

Es sol auch an solches zymmer vnd haus darein die
Infection kommē ain zaychen mit ainem weissen kreuz
gemacht vnd dardurch / bedeyt werden / vnd gepotten
sein / das sich meniglich vor der geferligkayt / der Inse-
ction verhüet / vnd in solch zymmer oder haus nit gee / so
lang bis dasselb weis kreuz vnd zaychen widerumb
durch die Oberkayt / oder derselben Aufseher hinweg
gethan sey.

Ob je aber diser Artickel ainen oder mer vberfaren /
oder verachten wurdet / so werdet ir schwarz straff leybs
vnd guets gedulden müessen / Darnach wisset euch zu
richten. Datum Freytags den andern Januarij im
Tausent Fünffhundert vnd Vierzigsten Jaren.